



Fama Postvma Praesvlvm Antverpiensivm

Hugo, Hermann

Antverpiae, 1611

Torrentio apud Colonienses pro Belgica Legato, alteri Iano Clusiuio,

[urn:nbn:de:hbz:466:1-69073](#)

*Mirata mores, edomando
 Regia constituit Gradino.
 At nulla tanta sufficit (hēu dolor!)
 Plaga cicatrix, crudior incitat
 Libido mentes inquietas,
 Et miseris inimicat urbes:
 Sed concitatis quassa fragoribus,
 Infrausta virtus PRÆSIDIS emicat;
 Mœstasque solari querelas
 Et populi mala luctuosi
 Gaudens, beatæ prospera Belgica,
 Mox insuetis seditionibus,
 Suisque labentem ruinis
 Texuit historicâ papyro.*

Iacobus de Cater.

T O R R E N T I O
 apud Colonienses pro BELGICA
 Legato,
 alteri Iano Clusiuio,

BAtauicos fortisque inter crudelis Iberos
 Miscebat Bellona manus; Belgaque cruoris
 Prodigia, cognato complerat milite campos.
 Arma iterum & ciuile nefas, lugubria rursus
 Prælia, nudatiique odiis certantibus enses;
 Iurataque in fata manus, sed vincere virtus
 Exequata nequit, cognataque funera secum
 Pensat, & alternum discors bibit ira cruorem,
 Alternis gauisa malis: sic inter utrosque

Dum



Dum pendet, stricto ludens Victoria ferro,
 Fata luunt fatis, dant mutua vulnera vulnus.
 Arma tamen, fremit arma furor, vincique repugnans.
 Non hostem viciisse potest: odia agra remittunt
 Se rursus, iraque inopes, & signis Erynnis.
 Iam rabies pertesa sui, vult pace sequestrare,
 Prælia, vult strictos deponere mitior enses,
 Et bellum gessisse puder, certoque sub ictu
 Stare negat. verum ruptis quis flebile venis
 Vulnera, & accensos posset sopire furores?
Quisnam audias cohibere manus auderet? & armis
 Arma, pares gladios, & tela minantia telis
 Executiens, nudo leges imponeret ensi?
 Inflammata semel nescit mansuescere virtus,
 Ardentisque in bella manus. tamen arma rebellis
 Battavia & seuum tentare in foedera Regem,
 Commissum LÆVINE tibi: tibi credita soli
 Pacis cura fuit: sed frustra obstruxerat aures
 Principis, & nimium præceps furor omne trahebat
 Pacis opus peiore viâ, frustraque parabat
 Crescere Belgiadum plagas tectura cicatrix.
Quid faciat? lugere vetat sibi conscientia virtus.
 Haret in ambiguo, vellet componere foedus;
 Fra minas posuisse negat: feruentia vellet
 Pectora, & obnixum flexisse in foedera Regem;
 Ira negat flecti, pietas incerta repugnat,
 Et pacis luctatur amor, se credit inertem
Quod non Belligeri compescere limina Iani
 Non gladios possit, strictumque recondere ferrum.
 Fata dolet, Martisque nefas in pectore versat
 Discedens; altumque premens sub corde dolorem,
 Alternas Batavum clades, lacrymosaque belli
 Funera, nec medicis plangit coœuntia succis
Vulnera,

*Vulnera, & aeternis mandat certamina ceris:
Ut planctus LÆVINE tuos, ut cera dolores
Exprimeret, Domini semper lacrymantis imago.*

Theodorus Middleton.

LÆVINO TORRENTIO
PACIS componendæ causâ
Coloniam ablegato.

Iam feras imbriferi Mauors de montibus æmi
Odrysios stimulabat equos, mortemque, ruinamq;
In Belgas Batauosque vehens: comitatus eunti
Insidia, & præc. ps, cum cædibus, impetus, atris,
Et furor, & geminum torquens discordia ferrum.
Iamque pererratis infelix Belgica campis
LÆVINI clamabat opem, quem vallibus imis
Leniter arguo serpentes murmure rini;
Quem cum supplicibus poscebant mœnia muris,
Qui dubios Patriæ casus & lapsa subiret
Pondera, & admotâ sanaret vulnera dextrâ:
Per quem sacrilegos sôpirent bella tumultus,
Per quem Pontificum transcenderet æthera nomen,
Et redimina novo fulgeret Belgica vultu.
Nec mora, quin patrus alacer consurgit ab oris
LÆVINVS, regnique pro succensus amore
Protinus ad rigidi properabat fædera belli.
Non illum imbrifero pallens Autumnus hiatu
Nec fera nimboſæ tardarunt frigora bruma;
Non hiemes ventosque timet, non limina rerum
Nec tantum detrectat onus: sed fortia tantas
Volnere corda vices, succinctaque pectora curis,

Et

